

Zahe Muqaddar Huzoor E Haq Say Salaam Aaya Payam Aya
Jhukao Nazrein Bichao Palkain Adab Ka Aala Maqam Aaya

Yeh Kon Sar Say Kafan Lapatay, Chala Hai Ulfat Kay Rastay Par
Farishtay Hairat Say Tak Rahe Hain Yeh Kon Zy Ehteram Aaya

Faza Main Labbaik Ki Sadain, Zah Farishta Aarsh Goonjti Hain
Har Aik Qurban Ho Raha Hai, Zaban Pay Yeh Kis Ka Naam Aaya

Yeh Rah E Haq Hai! Sambhal Kay Chalna! Yahan Hai Manzil Qadam Qadam Par
Pohanchna Dar Par, To Kehna Aaqa Salaam Lijiye Ghulam Aaya

Yeh Kehna Aaqa Bohat Say Aashiq Taraptay Say Chor Aaya Houn Main
Bulaway Kay Muntazir Hain Lekin, Na Subho Aaya Na Shaam Aaya

Dua Jo Nikli Thi Dil Say Aakhir, Palat Kay Maqbool Ho Kay Aayi
Woh Jazba Jis Main Tarap Thi Sachi, Woh Jazba Aakhir Ko Kaam Aaya

Khuda Tera Hafiz O Nigehban, Oh Rah E Bat'ha Kay Janay Wale
Nabi De Sad Inbisat Ban Kar, Payam Darood O Salaam Aaya

Zahay Muqadar Huzur E Haq Se Salaam Aaya Payam Aaya
Jhukao Nazreen Bichao Palkeen Adab Ka Aala Maqam Aaya